

Resorts World Genting Lancar Kerjasama Penjenamaan Tren ETS Pertama

Genting Highlands, 10 Jun 2026 – Resorts World Genting (RWG) semalam mencatat satu pencapaian penting dalam usaha memperkukuh promosi pelancongan apabila melancarkan kempen penjenamaan tren ETS, sekali gus menjadi jenama hospitaliti pertama yang bekerjasama dengan Railway Assets Corporation (RAC) dan Keretapi Tanah Melayu Berhad (KTMB) dalam inisiatif tersebut bagi menyokong Tahun Melawat Malaysia 2026.

Kerjasama strategik ini mencerminkan komitmen bersama RWG, RAC dan KTMB dalam mempertingkatkan ketersambungan pelancongan domestik serta menggalakkan lebih ramai pengunjung menerokai destinasi resort bersepadu terkemuka di Malaysia.

Tren ETS yang dihiasi dengan penjenamaan khas ini akan berfungsi sebagai platform promosi bergerak RWG, yang akan merentasi Semenanjung Malaysia dan meningkatkan keterlihatan destinasi tersebut dalam kalangan pelancong tempatan serta antarabangsa.

Berucap pada majlis pelancaran, Spencer Lee, Naib Presiden Eksekutif Jualan, Pemasaran dan Perhubungan Awam RWG, berkata inisiatif ini merupakan langkah penting dalam mempertingkatkan kemudahan serta akses perjalanan ke RWG.

“Ketika Malaysia bersedia menerima lebih ramai pelancong sempena Tahun Melawat Malaysia 2026, aspek kebolehcapaian dan ketersambungan yang lancar akan memainkan peranan penting dalam meningkatkan pengalaman pelancong,” katanya. “Melalui kerjasama dengan RAC dan KTMB, kami berbangga menjadi jenama hospitaliti pertama yang dipaparkan pada tren ETS, sekali gus meningkatkan kesedaran terhadap RWG serta menggalakkan lebih ramai rakyat Malaysia dan pelancong antarabangsa meneroka negara ini melalui perjalanan rel.”

Beliau turut berkata inisiatif ini menawarkan alternatif perjalanan yang lebih selesa, khususnya kepada pengunjung dari Johor dan Singapura, dengan pengalaman perjalanan yang lebih lancar serta mengurangkan kesesakan jalan raya dan tempoh perjalanan yang panjang.

Seiring dengan kempen ini, RWG turut melancarkan cabaran media sosial di peringkat nasional bagi menggalakkan penglibatan pelancong dan peminat kereta api. Peserta berpeluang memenangi ganjaran perjalanan ETS serta pengalaman eksklusif RWG, sekali gus merencanakan lagi pelancongan domestik dan penerokaan destinasi.

Tren ETS yang dijenamakan secara khas ini dijangka memperluas capaian promosi RWG di seluruh negara, sekali gus mengukuhkan komitmen syarikat dalam menyokong pertumbuhan industri pelancongan serta menjayakan Tahun Melawat Malaysia 2026.

Bersempena dengan Piala Dunia FIFA 2026, RWG bakal menyemarakkan lagi suasana resort dengan pelbagai aktiviti dan tarikan bertemakan bola sepak. Bermula 12 Jun, pengunjung

berpeluang menyaksikan tayangan langsung perlawanan, menyertai pelbagai aktiviti menarik serta menikmati pelbagai pilihan hiburan yang membawa kemeriahan kejohanan bola sepak paling berprestij di dunia ke Genting. Inisiatif ini selaras dengan komitmen RWG untuk terus memperkaya pengalaman pengunjung sambil menyokong pertumbuhan industri pelancongan dan hiburan negara.

Untuk maklumat lanjut, sila layari rwgenting.com atau ikuti platform media rasmi kami.

– Tamat –

Untuk sebarang pertanyaan media, sila hubungi:

Ms. Michelle Wong

Head – Public Relations & Communication
Social Commerce and Public Communication
Genting Malaysia Berhad
Tel: (603) 6105 9608
Email: michelle.wong@rwgenting.com

Ms Mei Yeap Lee Mui

Assistant Manager
Public Relations & Media
Genting Malaysia Berhad
Tel: (603) 6105 9447
Email: mei.yeap@rwgenting.com

Mengenai Genting Malaysia

Genting Malaysia merupakan salah satu syarikat terkemuka di peringkat global dalam sektor perkhidmatan rekreasi dan hospitaliti. Tersenarai di Bursa Malaysia dengan permodalan pasaran sebanyak kira-kira RM10 bilion, Genting Malaysia memiliki dan mengendalikan rangkaian hartanah resort ikonik, termasuk Resorts World Genting (RWG) di Malaysia, Resorts World New York City, serta Resorts World Catskills dan Resorts World Hudson Valley (kedua-duanya dimiliki sebanyak 49% melalui syarikat bersekutu) di Amerika Syarikat, Resorts World Bimini di Bahamas, Resorts World Birmingham dan lebih 30 kasino di United Kingdom, serta Crockfords Cairo di Mesir. Genting Malaysia turut memiliki dan mengendalikan dua resort tepi laut yang terkemuka di Malaysia, iaitu Resorts World Kijal di Terengganu dan Resorts World Langkawi di Pulau Langkawi.

Terletak pada ketinggian 6,000 kaki dari paras laut, Resorts World Genting (RWG) adalah resort bersepadu utama di Malaysia yang terletak di puncak bukit. Resort ini menyediakan pelbagai kemudahan rekreasi dan hiburan lengkap, termasuk 10,500 bilik di tujuh hotel eksklusif, permainan kasino, taman tema, tarikan hiburan, kedai makan dan runcit, serta pertunjukan bertaraf antarabangsa dan kemudahan konvensyen perniagaan. Dikelilingi oleh kehijauan semula jadi di kawasan bukit pertengahan, Resorts World Awana melengkapkan pengalaman premium ini dengan landskap semula jadi yang mempesona, padang golf pergunungan, laluan kembara hutan yang mencabar, serta berdekatan dengan pelbagai tarikan utama. Selain itu, Genting Highlands Premium Outlets (usaha sama antara Genting Plantations Berhad dan Simon Property Group) menambah nilai kepada pelbagai tawaran di RWG, sekali gus mengukuhkan kedudukannya sebagai destinasi utama rekreasi dan hiburan di rantau ini. Sebagai tempat kelahiran Kumpulan Genting, RWG akan menganjurkan pelbagai acara dan aktiviti promosi menarik untuk menyambut ulang tahun ke-60 Jubli Intan Kumpulan Genting, menawarkan pengalaman yang tidak dapat dilupakan kepada setiap pengunjung.

Genting Malaysia adalah sebahagian daripada Kumpulan Genting, salah satu syarikat multinasional terkemuka dan terbaik di Asia. Kumpulan Genting dipimpin oleh Tan Sri Lim Kok Thay, seorang usahawan visionari yang telah berjaya menjadikan jenama Resorts World sebagai peneraju utama dalam sektor rekreasi dan hospitaliti di Malaysia, Singapura, Amerika Syarikat, Bahamas, dan United Kingdom. Selain itu, Tan Sri Lim Kok Thay juga mempunyai pelaburan yang signifikan dalam pelbagai sektor global, termasuk ladang minyak sawit, pembangunan hartanah, penjanaan tenaga, minyak dan gas, pelayaran, serta bioteknologi.